

病人一臂不遂時復移于一臂其脈沉細非風也必有痰飲在上焦

活人書曰中脘有痰亦令人增寒發熱惡風自汗胸膈痞塞有類傷寒但頭不痛項不强爲異耳余當兄濕痰鬱于項背或一或强脉弦滑但不浮柔爾

時珍曰痰涎之爲物隨氣

處不到入于

心則迷竅而成癰腫妄言妄見入于肺則塞竅而致咳唾間粘喘急皆冷入于肝則留伏蓄聚

而成脇痛乾嘔寒熱往來入于經絡則麻痺
痛入于筋骨則頸項胸背腰脇手足牽引隱痛
陳無擇三因方並以控涎丹主之殊有奇効此
乃治痰之本痰之本水也濕也得氣與火則凝
滯而爲痰爲飲爲涎爲涕爲癰人戟能泄臟腑
之水濕甘遂能行經隧之水濕白芥子能散皮
裏膜外之痰氣惟善用者能收奇功也

痰分新久

新而輕者形色清薄氣味亦淡久而重者黃濁

稠粘凝結咳之難出漸成惡味酸辣腥臊鹹苦甚至帶血而出年深積久或如敗絮或如桃膠蜆肉

飲當去水

子和曰留飲一症也古人有四飲五飲之分皆因形而定名也予論飲之源有五有憤鬱而得者有困乏而得者有思慮而得者有痛飲而得者爲症雖多其因無出于夫水陰的也但積水則生濕停酒則發燥大則成痰在左脇者同

肥氣在右脇者同息賁入肺則多噉入大腸則爲瀉入腎則爲湧在大腸則爲支飲皆由氣逆而得之故在上則面浮在下則足腫在中則支滿痞膈痰逆在腸胃不去者久則成形今之用方者例以飲爲寒積皆用溫熱以補之燥之水濕未除反增心火劉河間以十棗湯加大黃牽牛製三花神祐丸新得氣實者服之氣流飲去而愈

論局方治痰用熱藥之悞

丹溪曰、夫氣之初病也、其端甚微、或因飲食不
謹、或外觸風寒、暑濕、或內感七情、或徧食厚味、
徧助陽氣、蘊爲膈熱、或資稟克實、表密無汗、津
液不行、清濁相干、氣爲之病、或痞、或痛、或不思
食、或噫腐氣、或吞酸、或嘈雜、或膨滿、不食、不求
病原、便認爲寒、遽以辛香燥熱之劑投之、時暫
得快、以爲神方、厚味仍前、不節七情、又復相仍、
舊病被劫、暫開、濁液易于攢聚、或半月、或一月、
前症復作、如此蔓延、自氣成積、自積成痰、此爲

痰爲飲爲吞酸之由也良工未遇謬藥又行痰
挾瘀血遂成窠囊此爲痞爲痛爲嘔爲反胃噎
膈之漸也飲食湯液滯沉不行滲道蹇澁大便
或秘或糖下失傳化中焦愈停醫者不察猶執
爲冷翻思前藥隨手得功至此賓主皆恨藥欠
燥熱顚俟久服可以溫脾壯胃行氣消化以異
一旦豁然之効不思胃爲水穀之海多血多氣
脾爲消化之器氣清和則健而運行不息今久
得香熱之味徧助火邪氣血沸騰其始也胃液

凝聚其久也。脾氣耗散，傳化漸遲。《人》曰：虛而積寒，非尋常草木可療。徑以烏附助佐，丹劑專意服之，積而久也。血液俱耗，胃脘乾枯，遂成膈噎。亦曰反胃。醫者不善處治，病者不守禁忌，遂使藥助病邪，展轉深涸。去生漸遠，深可哀憫。

謹按痰之爲病，仲景論四飲六症，無擇辨三因，俱爲切當。惟王隱君論人之諸病，悉出于痰，此發前人所未發也。所製滾痰丸一方，總治諸症，固爲簡便。較之仲景三因表裏內外

而分汗下溫利之法則疎間矣夫病之原有
因熱而生痰者亦有因痰而生熱者有因風
暑濕而得者有因驚而得者有因氣而得者
有飲酒而得者有食積而得者有脾虛不能
運化而生者然熱痰則多癰瘰奇症冷痰多
成骨痺濕痰多倦怠驚痰多成心痛癲疾飲
痰多脇痛食積痰多成癖塊痞滿其爲病狀
種種難名王隱君論之頗爲詳盡學者但察
其病形脉症則知所挾之邪隨其表裏上下

以治可也。若夫子和謂飲無補法，必當去水，用汗吐下之三法。又論熱藥引導，必有格拒之患。況有風寒外束，痰氣內鬱者，不用溫散，何以開鬱行滯也？又有血氣虧乏之人，痰客中焦，閉塞清道，以致四肢百骸發爲諸病，宜導去痰滯，必加補養，又難拘于子和之三法也。大凡病久淹延，卒不便或者，多因食積痰飲所致。蓋胃氣亦賴所養，飲食雖少，卒不便虛，又有脾虛津液不運而生痰者，法當補脾。

胃清中焦則痰自然運下

咳嗽

三錫曰五臟六腑一有濁氣鬱而爲火炎上薰肺則令人咳是肺乃總司兩活人書曰肺爲五臟六腑之華蓋專主于氣氣之清濁旣分則無嗽清氣不分濁氣上于于華蓋加以挾水停飲肺不得清則爲嗽抑考內經曰五臟六腑皆令人嗽非獨肺也大抵外邪鬱火痰飲上攻脉弦滑數有餘之症可治若失血家脉芤數潮熱面

赤下午劇者初或可治日久羸瘦不可救

咳論

黃帝問曰肺之令人咳何也岐伯曰五臟六腑皆令人咳非獨肺也帝曰願聞其狀岐伯曰皮毛者肺之合也皮毛先受邪氣邪氣乃從其合也其寒飲食入胃從肺脉上至于肺則肺寒肺寒則外內合邪因而客之則爲肺咳五臟各以其時受病人與天地相參故五臟各以治時

肝治

春心治夏肺治秋腎治冬也

感于邪則受病微則爲咳甚則

爲泄爲痛乘秋則肺先受之乘夏則心先受之
乘至陰則脾先受之乘冬則腎先受之帝曰何
以異之岐伯曰肺咳之狀咳而喘息有音甚則
吐血心咳之狀咳則心痛喉中介介如梗狀甚
則咽腫喉痺肝咳之狀咳則兩脇下痛甚則不
可以轉轉則兩肋下滿脾咳之狀咳則右脇下
痛陰陰引肩背甚則不可以動動則大劇腎咳
之狀咳則腰背相引而痛甚則咳涎帝曰六腑
之咳奈何安所受病岐伯曰五臟之咳久乃移

于六腑脾咳不已則胃受之胃咳之狀咳而嘔

嘔甚則長蟲出肝咳不已則膽受之膽咳之狀

咳嘔膽汁肺咳不已則大腸受之大腸咳之狀

咳而遺矢

同與屎

心咳不已則小腸受之小腸咳

之狀咳而失氣氣與咳俱失腎咳不已則膀胱

受之膀胱咳狀咳而遺溺久咳不已則三焦受

之三焦咳狀咳而腹滿不欲食飲此皆聚于胃

關于肺使人多涕唾而面目浮腫也帝曰治之

奈何岐伯曰治臟者治其俞治腑者治其合浮

腫者治其經

潔古曰咳謂無痰而有聲肺氣傷而不清也嗽
謂無聲而有痰脾濕動而生痰也咳嗽者有痰
有聲因傷其肺氣動其脾濕脾濕謂秋傷于濕
恐太鑿余以爲厚味煎燂酒麪辛酸抑遏胃中
而成濕痰上干于肺而然再候明哲正之

崔紫虛曰咳嗽所因浮風緊寒數熱細濕房勞
瀆難右關濡者飲食傷脾左關弦短疲極傷肝
脉經曰關上脉微爲咳 肺脉微急爲咳而唾

血咳而脉弦濇爲少血。脉緊者肺寒。雙弦者寒。浮緊者虛寒。脉浮而緩者傷風。脉細傷濕。數則爲熱。沉數爲實熱。脉弦爲水。偏弦爲飲。脉沉爲留飲。洪滑多痰。久咳浮直生浮軟。咳。咳。脉。咳而羸瘦。脉形堅大者。咳而脫形。脉小緊急者。咳。肌瘦發熱嘔且瀉。其脉弦急者。咳。咳而脉緊者。咳。小沉伏匿者。咳。

千金論曰有風咳寒咳肝咳心咳脾咳肺咳腎

咳膈咳厥陰咳肢咳欲語未竟憎寒壯熱口乾
煩燥自汗惡風爲風咳憎寒發熱無汗惡寒煩
躁不渴是胃寒或飲冷食寒肺氣被鬱所致心
下堅滿咳則肢痛其脉反遲名肢咳煩渴引飲
口燥脉虛或吐涎沫聲嘶咯血時值炎令爲暑
咳胥肢煩痛四肢重着洒淅爲濕咳咳則引脇
下痛屬肝咳咳而唾血引手少陰屬心咳咳則
涎出續續不止引少屬脾咳咳引頸項而唾
涎沫屬肝咳咳則耳無所聞引腰脊痛屬腎咳

引頭痛口苦屬膽咳則舌強或痛屬厥陰房
勞過度腰背痛痿爲腎傷腹脹不食搶心痛悶
屬飢飽傷脾咳則左脇偏疼引小腹并膝腕痛
屬疲極傷肝或吐白涎口燥聲嘶因呼哭傷肺
咳而煩熱自汗咽乾咯血勞神傷心

原病式曰人瘦者腠理疎通而多汗泄血液衰
少而爲燥熱故多爲勞嗽之疾也

論咳爲肺痿

金匱方論曰熱在上焦者爲咳爲肺痿得之或